

THIRTEENTH SITTING ON WEDNESDAY APRIL 5, 2000

PRESENT

PU R. LALAWIA, Speaker at the Chair, Chief Minister,
15 Ministers and 24 Members present.

QUESTIONS

1. QUESTIONS entered in separate list to be asked and oral answers given.

* VOTING ON DEMANDS

2. PU F. MALSAWMA, Minister to submit to the vote of the House various Demands under his charge.
3. Er. K. THANGZUALLA, Minister to submit to the vote of the House various Demands under his charge.

S P E A K E R : Mi felte tihduhdah a, thamna la a, Kulh kawngka-a tlachham-te chanpual ngei pawh pe phal lo te u, sualna chu hua ula, thatna ngaina ula, kawngka-ah rorelna chu tungding nghet rawh u.

Amosa 5 : 12,15.

Question kan la nghal anga, starred Question 182-na zawt turin Pu Sanghmingthanga H.Pautu i lo sawm ang.

PU SANGHMINGTHANGA : Pu Speaker, ka zawhna Starred Question 182-na, Land Revenue & Settlement Minister zahawm takin a chhan atan hengte hi an ni e.

(a) Revenue Department Motor-in bawlhhlawh Tlawnglui kama a pah thin hi tih tawp tumna a awm em ?

(b) LAD-in a siam bawlhhlawh

...198/-

paihna Tuirial kawng ami ah khan, Revenue Department bawlhhlawh paihtute hian an paih ve thei lo em ni ? tih a ni e.

SPEAKER : Chhang turin Pu Lalrinchhana Revenue Minister i sawm ang.

PU LALRINCHHANA MINISTER : Pu Speaker, Member zahawm tak Pu Sanghmingthanga zawhna Revenue Department Motor-in bawlhhlawh Tlawnglui kama a paih thin hi tih tawp tumna a awm em ? tih kha Tlawngluia bawlhhlawh paih hi tha tawk chiah lova hriatna a awm avangin chumi thlak thlengna tur chu ngaihtuah mek a ni e.

Tin, (b)-na LAD-in a siam bawlhhlawh paihna, Tuirial kawng ami ah khuan Revenue Department bawlhhlawh paihtute hian an paih ve thei mai em ? tih zawhna chu official taka he thil ti tura indawrna hi a awm lova, ruahman chhinna chu tun hma-ah pawh Khan an lo nei a. Bawlhhlawh i lo paih chungchang ah LAD bawlhhlawh pawh, Revenue bawlhhlawh Sakhawmna-a a thente chu rawn dah a, a paihna thu-ah pawh LAD bawlhhlawh paihna-ah te pawh pawh ve thei tura lo sawi lawkna tun hma-ah phei chuan a awm a. Amaherawhchu, tunah official taka tun hnaiah hian indawrna a awm hren lova, tin, Revenue hian khimi Sakawrhmutuai tlangah khian khami bawlhhlawh paihna tur kha en mek an nei ve thova, Surveyor te pawn an thlir mek a, chung chu nge tha zawk a, LAD bawlhhlawh paihna tawmpui tih te kha la thlir chhoh tura dah leh ruahman a ni e.

PU SANGHMINGTHANGA : Pu Speaker, han zawh belhna leh H.PAUTU han rawtna ang lek lek pawhin ka'n sawi zawm duh chu, kha a lawmawm hle in ka hria a. Khu-lai Tlawng lui kama an paih thin khu tih tawp tura ngaihtuah mek a ni e, an ti a. Ngaihtuah mek chung khan khulam ah khuan harsatna an tawk mek niin ka hria a. Ka bial chhunga khua Mualkhang te phei khu chuan Tlawng Sangha khu an ei duh der tawh lo mai a. Saw lai Bazaar bawlhhlawh paihna tlan an ti mai a, tin, chulovah, khu, han kal ila, tui lianin a hrut chinah hetah sang tak tak an hrutah khuanin, Polythene bag eng eng emaw te anzep nuaih mai a ni a. Khung khu Sangha ten an lo eiin an thih pui te emaw a lo ni a, tunlai khawvel hmun dangah te pawh, tiang polythene chungchangah hian an buai a, an'band' chho zel a ni a. Hemi chungchangah hian ti tawp nghal mai a, chuan a dang alternative arrangement tha zawk la

hriat chhuah a nih loh chuan, kan Minister han sawi ang khan tun hnaiah LAD te nen inbiakna pawh awm lo mahsela, khulai khu tih tawp nghal hnaiah a, sawtilai Tuirial kal kawng sira LAD-ina an ruahmanah sawn paih ve hrih mai sela, sorkar pakhat hnuai mi na na na chu, a Department-in a hrang a hrai a han tih a kha a tul leh a tha zawk ni-a hriat a nih pheih chuan a tha thovah ka'n ngai a.

Amaherawhchu, chumi chungga harsatna thil awm theih a nih avangin, sawlaih sawn han halralna te nen pawh ruahman ni awmin kan hria a, ka hresual anih chuan Minister zahawm tak khan min han correct sela. Chutah chuan LAD te nen hian inpaihtawm mai sela tha in kan ring a, chutiang tur chuan inbiakna nei a hma la chak turin Minister kha kan ngen duh a. Chutiang chuan min tih sak thei abgem B ka'n ti nghal duh a.

Tin, chumi zawnah chuan Pu Speaker, a relevant lo deuh hlek a tih anih pawhin, ama'rawhchu, relevant-ah kan ngai a. A bik taka sawmi Bazaar bawlhhlawh a saw a ni deuhvin kan hria a. Revenue-ina an paih a hi, sawlai Bazaar bawlhhlawh saw Inrinni tlai angah hianin a hlawm a lian lutuk a, chawlhni-ah nilenga tho siamna tha tak niin ka hria a. Chawlhni-ah sawn han kal thin ula, en ula, tho saw a rapthlak em em a ni. Chuvang chuan Inrinni zan lamah hian an paih thei mai lawm ni ? Chawlhni hnathawh loh tur a ni kan tih avanga, chawlhni lama awm nilen tir ai chuan, Inrinni zanah te hian paih ngei thei sela, tiin ka'n ngen duh a. Chutiang tur chuan hma lak theih a ni angem ? tiin Minister zahawm tak kha kan zawh belh duh a ni e.

PU C.SANGZUALA : Pu Speaker, a relevant thovin ka ring a, bawlhhlawh paihna chungchang hi ni dangah pawh kan zawt tawh a. LAD leh Revenue hi thuang hranga kal lova inchnkhawm dan, thuang khata kal mai dan a awm thei angem ? tih leh, khawpui khawlai Motor thlen ve lohna veng bawlhhlawh tam ve tho si te hi hmun leh hmunah emaw, entin emaw, thehthang dan emaw, rehral dan emaw, ngaihtuah theih a ni angem ? Chumi chungchangah chuan sorkarin, Department-in ngaihtuahna a hmang tawh em ? tih ka zawh belh e.

PU LALHMINGTHANGA : Pu Speaker, hei kan lo hriat dan ah chuan, Revenue bawlhhlawh hi an rawn thliar dan deuh berah chuan Revenue-in Bazaara a siamna hmun lai ami deuh hi an mawhpurhna-ah an ngai niin a lang a. Tichuan, LAD hian khawpui kawngdung leh khatiing ang veng, Motor-inaca thlen theih lai kha an mawhpurhna ah an ngai niin a lang a.

...200/-

Amaherawhchu, Department hrang an nih ve ve avang hian sawi rik tak ang khan a bawlhhlawh pihna hmun han hman thu ah pawh hian an inhmuh che fo niin sawi a ni a. Chu chuanin bawlhhlawh paih tur kha a chak tur angin a chak tir thei lova, vawi tam tak, hmun tam takah nei tawh niin kan beng a thleng thina.

Tin, chubakah hmun thenkhat ami bawlhhlawh emaw ni mumal taka Revenue bawlhhlawh anih leh LAD bawlhhlawh anih kha classified-na order a awm loh avangin, veng thenkhat chuan inring thulin bawlhhlawh hi rei deuh deuh, member zahawm tak ten an sawi tak ang khan, Ui (Stray dog) te leh Sazu, thi te, chutiang ang mihring tana natna hlauhawm thleng thei te hian a awm fo niin thu dawn a ni bawh a. Chu chu kan sorkar hian a thliar hran dan chiah Revenue bawlhhlawh leh Revenue lo bawlhhlawh te. Tin, a collecting point ah khan mumal taka inrema inrinthulhna awm lo turin ruahmanna a siam tawh em? A siam lo anih chuanin siam a tul hle in ka hria a, chu chu siam a tum em?

Tin, a dang leh ah chuan, a tha ber a chu bawlhhlawh paih theuh theuh kha chuan an tum theih nan, amalgamate hi a tha ber mai a. Tichuan, Departmental rivalry kha awm lovin a paihna hmunah leh a collection point-ah pawh khan buaina a awm dawn lova, amalgamate hi a theih lawm ni? Chu chu sorkar-in tih a tum em?

SPEAKER : Chhang turin Minister i lo sawm leh ang.

PU LALRINCHHANA MINISTER : Pu Speaker, Bazaar bawlhhlawh chungchang saw a buaithlak khawp mai reng a. Sawmi tifel tur sawn theihpatawpin hma kan la thin a, tlaiah bawlhhlawh, Bazaar an tin ve leh lak khawm a, chutia Motor-a load-a paih tur te pawha tih chin te a ni a.

Amaherawhchu, Bazaar saw a hunbi siam an han khap mai a. Tlai dar 6-ah, dar 5-ah kiang ula han tih pawha dar 10 thleng thlenga thu tawh awm nen, helai hi a harsa khawp mai a. A thawktu lam, bawlhhlawh thiantu lampangah harsatna eng eng emaw a awm bakah, a Bazaar tu te control saw a har khawp mai a. Chuvangin, duh angin chinfel a har em em mai a, chumi chinfelna tur pawh chuan kan theih ang angin hma kan la zel a. Amaherawhchu, harsatna lian tak pakhat chu, bawlhhlawh paihna tura ruahmanna hi duh angin a tha tawh lova, Motor te pawh, tuna kan Motor hman lai hi duh thu a sam lo em em a. TMB pahnih pathum han tih kha

a chhiat eng ilo kha a lo awm baww thin a. A tira kan han chan phat phei kha chuanin Tripper 2,3, nei ta ila, chutiang ang chuan thil a kal fel pui theih awm mange ti te pawhin ngaihtuahna kan hmang a. Amaherawhchu, chu chu vawin ni thlengin kan la ti hlei thei lovin kan awm a.

Tin, a Bazaar hrim hrim chung-chang thu hi, tlema a manage dan hi a fel taww loh avangin siam remna kawng zawn a ni a. Tichuan, tunah pawh chuan heng Market te pawh hi, Market leh bawlhhlawh, engkim hi Revenue-ina keng zel tura tih pawh a ni taww lova. Reilote ah Trade & Commerce lamah a lut taww dawn a, chutiang ang chuan tunah hian thil ruahman a ni a. Chumi a chhan chu, LAD inrawlh baww, Revenue inrawlh baww, Trade & Commerce inrawlh baww heng thil kan enkawl hi a fel lova, a efficient theih lohna bul nia kan hriat avangin hmun khata bawkkhawm dan kan zawng a. Chutiang ang chuan thil kan buatsaih a ni a. Chuvang chuan, thil pawh fel zawka a kal theih kan ring a, Chumi atan chuan hma kan la chhova. Tuna sawlai bawlhhlawh rei tak tak awm thin a pawh saw tihfel leh paihfai ni se tih pawh chu hma la turin theihpatawpin kan in buatsaih chho zel a ni tih kha kan hriattir duh a.

Tin, Revenue-ina bawlhhlawh a hma chu, sawmi New Market bula, Market bawlhhlawh saw Revenue mawh a ni a. Tin, Thakthinga bawlhhlawh saw Revenue mawh a ni baww a, Thakthingah pawh Inrinni lo ah chuan Market hmun bika mi saw Revenue mawhphurhna a ni anga, amaherawhchu, Inrinni-ah chuan Market bikah a len loh avangin kawng dung ah tih a ngai a, chuvangin Inrinni dar 10 thleng velin kalkawng dungah sawn sabji bazaar hawn a ni a. An tin veleh an bawlhhlawh kha Revenue-in a thian ang. Chung bak chu LAD mawh a ni a. Vavakawn Market-a bawlhhlawh khu Revenue mawh a ni a, Bawngkawn a mite nen. A bak chu LAD mawhphurhna a ni. Chutiang chuan bawlhhlawh paih tu ah hian mawh-phurhna kan insiam a, kan then hrang a ni.

Chubakah Market leh khawlai dung bawlhhlawh paihna chungchangah harsatna kan taww in a lang a mipui ten. A Department pawh hian an hma tur an hma tha taww thei lo ni pawhin a lang a. Heng chinfelna tur hi hlawmkhata thil kal dan ngaihtuah chho a, fel zawka kan khawpui bawlhhlawh thenfaina tur kawng hi ruahman chhoh a ni dawn tih kha kan tarlang duh a. Tlawng dunga bawlhhlawh paih erawh khu chu a rang thei ang bera tih tawp tum a ni tih kha kan sawi nawn leh duh a ni e.

SPEAKER : Bawlhhlawh hi thianghlim lohna bul a ni ber mai a. Kan hotute hian tlema ngaihtuah ngun deuh ah a tha khawp mai. Greek ram Athens-ah te chuan Motor-ah hianin a hal mai theih chu

...202/-

hal na hi an fit nghan a, chung chuan thil a ti awlsam hle a, ngaihtuah ve a tha hle in ka ring.

Awle, Question No.183-na zawt turin Pu R.Lalzirliana i lo sawm ang.

PU R.LALZIRLIANA : Pu Speaker, Question No.183-na Transport Minister zahawm tak chhan atan. Transport Bus tlan thin Lunglei atanga withdraw nia sawi hi enge a awmzia ?

SPEAKER : Chhang turin Pu Aichhinga, Minister i lo sawm ang, ka lo tih sual palh Pu K.Sangthuama zawk a ni.

PU K.SANGTHUAMA MINISTER : Pu Speaker, Saitual bialtu MLA zawhna, Transport Bus tlan thin, Lunglei atanga withdraw-a sawi hi enge a awmzia ? tih chhan chu:- Transport Bus 4 Lunglei atanga tlan thin, Lunglei atanga Aizawla lak phei a ni a. tha zawk leh tluang zawka mipui rawngbawl anih theih nan-a tih a ni.

PU R.LALZIRLIANA : Pu Speaker, tha zawk leh tluang zawka a kal theih dan tur kha enge min hrih thei se ka duh a. Second Capital a ni a, Lunglei saw, mipui an tam ve em em a, nitin-a tlan chhuak tur chauh Bus va dah kha enge a chhan ? kan Minister zahawm tak, bialtu anih lai khan a va dah phei a ni a. A hnu amite thil tih dan hi a hma amite thil tih an thiah duh vang hrim hrim nge ? tha zawk leh tluang zawka tlan theih na tur tih kha.

Tin, pahnihna-ah chuan, Transport Bus lo thleng thar 7- Medium 4 leh Deluxe 3 hi a ke hi Calcutta Retread vek a rawn tlan chhoh pui nghan niin khilalaia a thar lo hmu thin te pawhin tun tum chu a dik love an ti a. Hei hi enge a awmzia ? Hman ni khan kan Minister zahawm tak khan a han en a, khalai kha a en tel em thil leh a pathumna-ah chuan Transport Department office workshop hi Hlimen daia awm saw a tha hle in a lang na a, a Department ho hian Chaltlanga sawn chhoh an tum niin a lang a. Hmannia consultative committee chairman hova kan va kal pawh khan an lo sawi a ni. Transport Bus workshop mai ni lo, khawpui chhunga workshop zawng zawng hi dai pawnah sawn vek ila a tha-a hriat a nih lai hian a sorkar

berina khilala inbengkhawm kha an tum ta zel emtih kan zawt duh a.

Tin, Transport Department-a
Bus chhuak leh lo lut te an pawisa hmjhi hi tunlai hian sorkar Revenue-ah engzatnge dahluh anih thin ?

PU J.LALTHANGLIANA : Pu Speaker, MST Bus Station hi Aizawl, Lunglei, Silchar, Saiha, Lawngtlai, Kolasib-ah te a awm a. Lawngtlai tih loh hi chu Station Superintendent-in an enkawl vek a, Lawngtlai leh Champhai erawh chu Assistant Superintendent-in an enkawl a, nikum lam khan Lunglei ah Bus engemaw zat an lo enkawl ve avangin, Lunglei atangin tlan chhuah an tam a. Kan hriat ang khan nikum lam kha chuan earning pawh an nei tha a ni . Chuvang chuan heng Station Superintendent awm theuh si, Lunglei, Saiha, Kolasib te hian Bus enkawl lo hian a va riak ringawt hi an lo enkawl nge ni a, heng te hi nikum ah a experiment kan lo nei tawh a, hetiang Lungleiah te, Saihaah te, Kolasibah te heng atanga lo tlan chhuah ah Aizawl riak ve a, an haw phei ve leha Lunglei mawhpurna an ai a, Revenue pawh kan earn tha ve a. Hei hi tih leh theih a ni dawn lawm ni, dah belh theih a ni dawn lawm ni ? tih kha kan zawt duh a. Tin, chu lo leh ah chuan va thlen chin ah hian, entirnan, ka bial han thlen chin a ni emaw, Marpara emaw Pukzing a ni emaw, tah hian ticket lakna mumal tha tak a awm loh avang hian sum lakluh tur ticket man engemaw zat a tham ral thin tih te hi, Bus thlen chinah hi chuan entirnan, Marpara thlen theih chin a nei a, thal lain a thlen theih loh hunah Pukzing a thleng thei a. Tichuan, Pukzingah ticket cut-aa a awm ta lova tih deuh mai mai te a ni a. A thlen chinah chuan mumal tak hian ticket lakna hi chu siam theih a ni dawn lawm ni ? tih kha kan zawt belh duh bawk a ni.

SPEAKER : Achhang turin Pu K.Sangthuama i lo sawm leh ang.

PU K.SANGTHUAMA : Pu Speaker, Saitual bialtu zah-awm tak zawhna, zawhbelhna kha, tha zawk leh tluang zawka a tlan theihna chu engnge ni ? tih kha a ni a. Lunglei ah 13.4.1999, Khan pahnih (2) kan tir phei a, 16.4.1999 ah pakhat, 17.4.1999-ah pakhat, Bus pali(4) Lunglei atanga Aizawl service turin kan Transport Minister hmasa Khan a ruahman a. Hei hi a tha viau a, mahse, harsatna Department-in kan nei a. Lunglei ah sawn a parts velte duh anga lei mai mai tur a tam tawk loh avang te, tin, Station hrim hrim saw a len tawk loh avang te leh hmanrua te a indaih tawk loh avang te. Tin, Mechanic te an indaih tawk loh avang ten Bus

service hi thla 10 chung kan han ti chhin a. Aizawl atanga Lunglei-ah kal thin kha, Lunglei atangin ti ve tawh se tih kha thla 10 chung kan han chhin a. Thla 10 chung hian vawi 22 lai mai kal thei lovin harsatna kan tawka. Chuvang chuan hetiang anih zel chuan helam atang hian service tir leh mai nise a tha lawm ni tih kan ngaihtuah a. Service leh turin ni 20.2.2000-ah kan pawt kir leh ta a. An lo ruahmanna kha a zahawm hle na in leh Lunglei lam pawh an zahawm hle na chungin kan Bus service tluang zawk leh mipuiin kan chhawr theih zawkna tur anih kan beisei avang zawkin kan la kir leh ta a ni. A chhan chu ka sawitawh ang Khan Mechanic te kan indaihlo em em a, Aizawl lam amite kan tir phei mai thei bawk silova. A chhiat changa helama rawn thawn phei a tul leh thin a. Chuvangin Changtlung zawka sawlaia kan inruahman theih hma chuan helam atanga service tir leh mai kha mipui pawhin lo hrethiam leh rih mai se tih kan ngen a. Passenger kal turte tan kan helam atanga service kan a tluang zawkin leh kan bahlah lo zawkin kan hria a. Chuvangin helam atanga service tur Bus 4 hi kan in kir leh ta a ni.

Tin, hmanna Transport Bus 7 lo thleng kha a ke kha retread hlir niin an sawia. Kan MLA zahawm tak Pu Zira Khan a rawn sawia. Hei hi hmanna lo thlen ni kan ka han en a, hetiang retread hi a nilova, a ke thar vek anih avangin. Hei hi hriat suai leh report suai anih kan ring a. Chuvangin keimah ngei ka han kal a, Department hotute nen kan han check vek a, retread a ni love. Tin, Transport Workshop Hlimen-a awm hi sawn tumna sorkarin a nei rih lova, consultative committee hman deuha kan thutkhawm pawhin kan Minister zahawm tak hmasa Pu Pamama hova kan thutkhawm pawh kan sawn mai kha kan rel lova. Kha kha ngaihtuah zuina a la awm chuang lova, chuvangin sorkarin hei hi sawn mai tumna a nei rih lo a ni tih vawihin ah kan sawi duh bawk a ni.

Tin, Transport Bus chhuak leh lut hi a lakluh leh a hlep vel chu hei a relevant vak lo na in kan sawi hram anga, 1998-99 ah kan hetih laiah hian kan lakluh zawng zawng chu nuaih 126 leh sing 2 leh sang 7 leh za 8 leh 48 a ni a. Tin, 1990 laiah hian nuai 26 leh singli leh sangnih leh zali sawmkua leh panga hi hemiah hianin hlauh a nia. Kum 1999-2000 inkarah hian kan Minister hmasa kan thahnemngai tak hna a lo thawhna ah kan helai ah hian kan hlauh tlem ta a, nuai 16 leh singkua leh sang kua zahnih leh pariat chauhva kan lost-a hi a thla thla ta a.

Tin, hei hi Transport Bus ngawr ngawr atan bik a ni a, MV wing atang hian lakluh tam tak ka hmu a a. Chuvangin heti laiah hian kan lost leh kan hlep a hi a pumpuia kan Department-ina kan chhut chhuah chuan a transport ngawr ngawr ni lo hian a zavaia kan hlep kan chhut chhuah chuan kan hlep hi a tam zawk daih a ni,

PU R. LALZIRLIANA : Pu Speaker, ka zawhna lo deuh deuh te kha min rawn chhang a a lawmawm hle in ka hria. Ka zawhna tak a kha chu tunhnaia an lakluh hi Transport Bus ami bik tih kha sorkar revenue-ah dah a ni em ? tih te chauh kha a ni.

PU K. SANGTHUAMA : Pu Speaker, dah a ni e. Sorkar MINISTER revenue-ah dah vek a ni. Chu chu hemi a zawhna hmasa ah hian a awm silva, a figure chiang taka chhang mai tur chuan tunah chuan kan chhang mai thei loang.

PU ZAKHU HLYCHHO : Pu Speaker, dah vek a nitih a hriat chian chuan an dah zat chu hre turah ka ngai a. Tin, kan hriat dan hian Pu Speaker, Transport Department revenue earning hi pawisa an neih loh avangin maintenance turah an hmang nghal veka, an revenue hi an chhung lo reng reng tih hi kan hriat dan a nia. Chu chu kan Minister hianin a chhung anih chuan engzat nge an chhun ? tih kha chu min hrih thei em ?

PU K. SANGTHUAMA : Pu speaker, kan la rawn hriattir MINISTER dawn che u ania.

*Tin, Pu Lawmzyjala kan MLA zahawm tak ina a rawn zawhna, Lungleiah te, Saiha ahte leh Champhaiah engzat nge Bus awm tih kha, chuti mai chuan tunah ka chhang thei lova. Hei hi nakinah ziakin ka la rawn pe dawn nia. Tin kan MLA zahawm tak Pu J. Lalthangliana zawhna, hemi Bus hrim hrim in Bus ticket cut-na awm mai lo hi kan buaipui hle a. Amaherawhchu, hei hi harsatna tam tak Department-in kan nei ve a, a thlen china Bus ticket dahna tura Building te nen a hnathawktute nena ruahman fel thlerh thlawrh-a han tih hi a la awm chiah lova. Chuvangin hei hi kan buaipui hle a, a rawn zawhna pawh kha a dik a, pawisa-ah pawh kan hlawk loh phah a tih pawh kha a dik a. Chuvangin hei hi engtia kalpui tur nge tia ruahman fel deuh nei a han tih kan tum mek a. Chuvangin eng hunah chiah nge kan tih theih dawn kan hre lova, a thlen china Bus ticket cut-na fel tak siam a, chutatanga Bus ticket fel taka han pek chhuah a han tih kha kan tih theih hunah chuan tun aia kan income pawh hi a tha thei zawk deuh tura ruahman mek a ni tih waviin ni ah ka han sawi duh bawk a ni.

PU L.N.TLUANGA : Pu Speaker, supply Minister zahawm tak chhan atan ka starred question No.184 ka zawh duh te

chu heng hi an ni e.

- (a) Petrol leh Diesel ni Mizoram quota engzat nge ?
- (b) Mizoram-ah HSD Pump engzat nge awm ?
- (c) Mizoram quota hi lak zawh zel a ni em ?
- (d) Mizorama lak tur Petrol hi Silchar-ah K.Oil-in an pawlh thin tih hi a dik em ?
- (e) Dik nise, a titu man an awm tawh em ?
Engtin nge sorkar-in action a lak ?

Ka lawm e.

PU AICHHINGA
MINISTER

: Pu Speaker, Member zahawm tak
Pu L.N.Tluanga zawhna (a)-na
Petrol leh Diesel hi Mizoram
quota engzat nge tih chhanna

chu Petrol leh Diesel hi Mizoram quota hi a awm lo.
(b) Mizoram-ah HSD Pump engzat nge awm ? Mizoram-ah HSD
filling station public tan hmun 14-ah a awm. (c) Mizoram
quota hi lakzawh zel a ni em tih zawhna chu a hma a kan
chhan tawh ang quota bik a awm lova. (d) ah Mizoram lak
tur Petrol hi Silchar-ah K.Oil-in an pawlh dal thin tih
a dik em ? a chhanna chu Mizoram lak tur Petrol hi Silchar
ah K.Oil-in an pawlh thin tia sorkar in a hriat avangin
petrol Pump-a unload tur apiang hi Technician Inspector
ten an check thin a ni. (E) Dik nise, a titu man an awm
tawh em ? engtin nge sorkar in action a lak ? a chhanna
Petrol pawlh dal leh hralh mek chungchangah sorkar in
man a nei tawh a, dan angin thubuai siam sak an ni.

PU.L.N.TLUANGA

: Pu Speaker, zawh belhna tlem.
Hei Petrol hi thil pawimawh a
ni a, kangmei ti chhuaktu anih
te pawh a hlauhawm viau a. Chu-

tichung chuan black a zuar thei hi an awm thluah niin a
lang a, heng hi sorkar in a hria em aw ? Tin, hemi a phur
tute pawh hian an hralh ru thin a ni lawm ni tih te hi a
awm a, heng hi a dik em ?

PU R.LALZIRLIANA

: Pu Speaker, zawhna pakhat chauh,
tunhma lam khan Silchar-ah Petrol
hi Mizoram quota tur hi an la mai
thin in ka hria a, ka hriat sual

loh chuan. Tunah hian Lumding ami phurh tur a ni ta a.
Helai thla vel hi hel tam tak awmna a ni a, tunhma ah phei
kha chuan, Tanker pahnih lai sawisak a ni tawh a. Hei hi
engvanga Lumding-a la tur a tih nge kan nih ? tih kha a ni
a. Fuel corporation ho hian kan ramah hian engemaw harsatna
min siam duh avanga Lumding-ah hian min lak tir mai an nih

hi a hlauhawm a. Achhan chu vawiin ni ah Tanker neitu te hian an kal ngam mang tawh lova, Petrol hi a harsat a hlauhawm hle mai. Chuvang chuan kan sorkar hian chu lam atan chuan eng hma nge a lak ?

PU H. LALTANPUIA : Pu Speaker, Saitual bialtu zah-awm tak sawi ang khan LQmding leh silchar inkarah Tanker pahnih suasam a ni a. Chumi avang chuan tunah khuan kan Oil Tanker te silchar-ah khuan kal duh tawh lovin an nuar a, tunah khuan silchar-ah an awmkhawm rup mai a. Khutiang anih chuan a harsatna tawk tur a chu keimahni mipui te kan ni a. Chulai ah chuan sorkar hian eng angin nge hmalakna a neih ? tih a kha a pawimawh em mai a kan zawh belh duh a ni e.

PU LALRINZUALA : Pu Speaker, hei kan Aizawl khawpui a lun a, a tawt tulh tulh a, Motor-a kal pawh hman-hmawh thil ah chuan a tih chi loh tep ta in a lang a. Kan Traffic jam-na tam ber a nia lang a chu Aizawl khawpui laili takah, hei kan hmu theuhva, Petrol Pump kan dah tlat a, kan ring nasa si a, khilai khi kan intawk sir nasa a. Hei hi sawn theih dan a awm em ? tih kha kan zawt teh ang. Kan khawlai a tibuai a, hei hi public importance a ni a, a relevant thovin ka hria.

PU AICHHINGA : Pu Speaker, zawhna neitu Pu L.N. MINISTER Tluanga zawh belhna, Black-a zuar hi sorkarin a hria em ? A phurtute pawh hian an hralh thin tih hi sorkarin a hria em ?

Black-a zuar te hi an awm a, sorkarin ngaih pawimawh chin thui tak a neih lain, engngemaw chinah haider loh theih loh chin te pawh a awm a. Kan Petrol Pump ho hian zankhua, nilenga an tih hleihtheih siloh avang hian Emergency thilah black-a zuarte hnenah lei a tul fo thin a. Chuvang chuan hre reng chungga haider a ngaih chang a awm a. Hriat chu kan hria a, tin, hmun thenkhatah a pawlh dalna lampang kha chu kan la serious vauva, a black-a zuar hrim hrim hi chu haider chin kan nei a ni.

Tin, a phurtute hian chungho hnenah chuanan hralh thin tih sorkarin a hria em ? tih kha engngemaw chin chu sorkarin hriat a nei a. Tin, action han lak lai te pawh kan nei a ni.

Tin, Saitual bialtu, Pu Zira Khan Lamding-ah engvangin nge tuna kan Tanker te hian Petrol an phur thin tih. Tunah khuan an nyar mek tih Pu Tanpuia zawhna kha a inzawmin ka hria a. A rualin kan chhang mai ang e.

Lamding-ah khuan tun hmain kan la ngai lova, Silchar-ah kan la tlangpui thin. Amaherawh-chu, engngemaw chen atang khan harsatna a awma, kan Petrol lak tlangpuia hi Digboi atanga Lamding-ah lo kalin Ramnagar-ah a lo lut thin a, chu chu Digboi atanga lo kal Lamding lo thleng kha. Lamding leh Silchar inkar kha tunah Metre gauge a ni a, Rail kawng kha, chumi chu Broadcast-a siam tumin sorkarin hma a la a. Chumi an hmalakna chu an chhuanlam a, tin, chumi piah lamah chuan chhuanlam dang an nei bawk a. Hemi kalkawngah hian a Petrol phurhna Tanker bik, Wagon an tih hi hemi Metre-gauge nia British hun lai a siam tawh a ni a. A leak nasa a, chumi chu a thar siam turin Broadcast-ah ruahman mek a ni bawk si a. Chuvang chuan Railway lamin a thar han titurin harsatna an nei bawk si a tih te an mawn sawi dan tlangpui a ni. Tin, chumi piah lamah chuan khulai Lamding leh Ramnagar inkara tunhna lo kal, a kal pangngai a lo kal thin ang kha tunah harsatna chi hrang hrang sawiin chhuanlam eng-emawzat an nei a, chu chu Mizoram sorkar atang hian theih-tawpin kan zuk bei a, tunah pawh IOC hotute leh Railway lam amite kan Commissionaer amiten lehkha inthawmin leh mihringte pawh intirin hma kan la a. Amaherawhchu, hma kan sawn vak hlei thei lova anni hi Company ang deuh hlek an nihna chi te a lo awma, chumi piah lamah Central sorkar lamahte tunah he kan harsatna min solve sak tur hian kan bei mek a. Tuna kan harsatna pawh hi kan Tanker te hian Lamding atanga zuk phurh khu ralti in an hre ve tlat mai a. Khumi Lamding atanga zuk phurh khu a ralti in an hre ve tlat mai.

Tin, chutiangin lung a lo tawn leh lo sawisak te pawh kha a lo awm ta nual bawk si a, chuvang chuan Silchar-ah tunah hian Petrol phurh tur nghakin an ding a, Lumdinga kal kha a harsa an ti a ni. Tin, chumi lai karah chuan Vai ho erawh chuan Lumding atanga Ramnagar inkar hi an phur reng tho thung a. Chutiang chu kan dinhmun a ni a, chuvang chuan nimin lamah te khan theihtawp chhuahin IOC lampang te hnenah pawh kan zuk nawr a. Ramnagar-ah a tam thei ang ber rawn thlen turin kan han nawr a, tichuan tunah chuan kan nawrna-ah tun hun tawi te atang chuan kan harsatna tlemin an rawn tikiang ta hret a, tukin zingah khan Petrol phur Tanker 11 leh Diesel phur Tanker 16 leh K.Oil phur Tanker 7, avaiin 34 khulalaia ngak mektute ho a kha chu an lo chhuak chho thei ta a. Phur la in chu chu tuna kan harsatna temporary-a kan han solve mai theih laia chu a ni a. Amaherawhchu, hun kal zel tur atan helai hi thil khirkhan ang reng tak a nihna chin a awma, remchang thei anih chuan kan Chief Minister pawh ruaiin Prime Minister thleng hiala kan kal a ngai dawn ni ta pawhin kan hria a.

Anmahni Petroleum Minister te leh Railway Minister te thleng pawh hian inkar a awm deuh riau a, khulalah khuan. Chuvangin Prime Minister hnen te pawh hi Chief Minister ho-a kan thlen pawh a la ngai ang tiin ngaihtuahna kan siam mek a ni. Chu chu chulai dinmun chu a ni a.

Tin, Aizawl khawpui laili a Petrol Pump awm hi kawng ti jam tu leh engemawchena harsatna thlentu a ni a. Sawn tumna a awm em ? tih laia kha. Hei hi sawn tumna tak tunah chuan keini lam atang chuan kan nei rih lem lo.

SPEAKER : Starred Question 185-na Pu J. Lalthangliana leh Pu Lalhmingthanga zawhna a ni a. Pu J.Lalthangliana hian han zawt sela.

PU J.LALTHANGLIANA : Pu Speaker, Pu Lalhmingthanga rena kan zawhna intawm Starred Question 185-na Food & Civil Supply Minister zahawmtak chhan atan ka zawt e.

(a) April, 1999-a Inspector of Supply atan written test leh personal interview neih tawh te kha appointment engtikah nge tih chhuah anih dawn ?

(b) Written Test leh Personal Interview a sang sang te lak an ni ang em ?

PU AICHHINGA MINISTER : Pu Speaker, Member zahawm tak Pu J.Lalthangliana leh Pu Lalhmingthanga te zawhna---

(a)-na chhanna - Post tih fel a appoint theih anih veleh appointment hi siam nghal a niang.

(b)-na chhanna - Written Test leh Personal Interview a tlinga thlan te lak an ni ang.

PU LALHMINGTHANGA : Pu Speaker, zawh belhna Post tih feltih lai kha a Post siam sa awm lova, written test leh personal interview kha tih tir an ni nge, hemi post ruak fill up na order hian a dal zawk ?

A dang leh chu - Order of Merit in lak an ni angem ? Tuna a sawi ah khan a chiang lo deuh hlek a, a ti tha tha , hei thu kan hriat dan ah duhsak bik te an awm a, chu chu a ti tha ah an tang si lova, Chuvanga tikhawtlai a ni tih te thu kan hria a, a dik em ?

PU J.LALTHANGLIANA : Pu Speaker, kan Minister zahawm tak chhanna-ah khan kan zawhna kha a chhang lovin ka hria a. Kan zawhna (b)-na ah khan written test leh personal interview a sang sang te lak an ni ang em ? tih a ni a. Min chhanna ah khan "Written Test leh Personal Interview a tling a pawm te zinga mi kha lak mai tur a ni" ti khan a rawn chhang a. A sang sang atang in lak an ni em ? tih kha kan zawt nawn leh a nih chu.

PU AICHHINGA : Pu Speaker, khami zawhbelhna MINISTER Post tih fel tih kha- post ruak kan neih avanga hemi advertisement a hi kal a ni a. Hemi post ruak a hi fill up turin kan sum harsatna avanga kan la fill up hleihtheih loh khan result kha.....(Pu Lalhmingthanga: A phuar avang khan hei hi in fill up thei lo tihna a ni maw ?) A phuar avang pawh a ni chuang lova (Pu Lalhmingthanga : A nih siloh chuan post awmsa kha engati nge harsatna a awm reng reng ?) A phuar avang nilovin sum harsatna avang zawkin helai a hi tih theih a la ni lo a ni. (Pu Lalhmingthanga : Aw, sorkar sum harsatna avangin a ni a, kha kha sign a ni a, Bank order pawh chhuah a ni a. Chuvangin Pu Speaker, hei hi chu sawi tlang law law a tha in ka hria) khami avang khan kan ti lo a ni lova, amaherawhchu, kan sorkarin harsatna lian tak kan neih avangin helaiah hian insum rih a tha e tih leia kha kan zui rih mai a ni. Chuvang chuan khami kha tihfel anih hunah hemi appointment hi siam mai turin tunah pawh hian kan ti fel tep a. Kan tihfel thuai theih kan ring a, tun atanga rei-lote-ah hemi appointment a hi chu a chhuak main ka ring.

Tin, chumi bakah chuan a ti tha : tha emaw, a sang sang emaw a engkha nge ni tih lai zawhna a kha - Hei interview hi an tam khawp a, tam deuh an ni a, post 4/5 lek fill up na turah khan mi 1000 rual an awm a, an tih that dan te pawh in ang kha a tam khawp a, chuvang chuan tih that dan in ang rengah chuan lak awm-a sorkarin a ngajh a te kha kan la dawn a ni.

PU LALHMINGTHANGA : Pu Speaker, Starred Question No. 166-na, Fisheries Department changtu in min chhan atan - (a)-na

Sorkar hian Sangha dil siam a, a dil sah kher lova theih hun huna man theih chi dahna siam a tum em ?

(b)-na Tuna sorkar ding lai hian Chakai khawina farm emaw dil emaw siam a tum em ? tih kan zawt a ni.

PU H.VANLALAUVA : Pu Speaker, ka lawm e. Aizawl
MINISTER 'E' I bialtu zahawm tak zawhna

(a)-na, Sorkar hian Sangha dil siam a, a dil sah kher ngai

lova duh huna man theih chi sangha dil buatsaih a tum em ? tih kan chhanna chu :- Tum e, tih a ni.

(b)-na, Chakai khawina farm dil siam a tum em ? tih kha tunah mai chuan Chakai khawina farm dil siam tumna a la awm rih love.

PU R. LALZIRLIANA : Pu Speaker, Chakai farm, kei siam tha ka ti khawp mai. Kan C.M. pawhin hmanah khan siam tha a ti a, Chakai te a tui si a, chawei te a ti tui a tha hle in ka hria. Tun hma kan House Leader ni ta in a duh ber a ni bawka, Fisheries hianin siam dan han ngaihtuah se a tha hle ang.

PU LALHMINGTHANGA : Pu Speaker, hei Mizorama kan Sangha Dil ho hi Assam hunlai atang khan a siam pawh kan awm reng a, chhungkua pawh hi enge-
maw zat an awm a, amaherawhchu, tha tam tak leh sum leh pai tam tak hun tam tak senga kum tam tak lo bei tawh thin tute hian a hlawk tur anga an chhawr tak tak theih lohna chhan a hi kan dil siam dana vawi khat han man dawn a, a zavria sah kang kher ngai a kan siam vang hi ni berin a lang a. Entirnan, vawi khatah 4/5 Quintal an han man a, rep a lo ngai a, tin, a hringa hralh tur kha chuan farm awmna a lo hla deuh a, khawpui chhunga phurh luhin vawi khata hralh vek theih a ni lo a, helai tih danglam hian in Sangha dil hi miten eizawna atan leh rinrawlah a hman theih dawn niin a lang a. Hei calcutta khawpui bula an Sangha khawina thenkhat khu a remchangah te kan sawi ve mai mai a. Khungah khu chuanin duh huna Nghakuai emaw a nih loh pawhin Lenkhang emaw a han man theih mai, tin, a den a den pawh a man theih mai, khami perinial catching an tih a tul dan ang zela chhungkuain a mamawh a, han mana an hralh theih tur ang khan an buatsaih a, a tha em em in ka hria a. Chumi technique chu kan sorkar hianin siam a tum e, tih kha a ni a. Hman kumah pawh khan ka zawt tawh a, "Tum e" tia chhan ka ni tawh a, tunah hianin hma a la la lo a nih chuan, engtik atangin nge hma a lak theih ang.

Engnge ni chutianga hma la tur chuan daltu awm tih laia kha fiah leh zualin min han chhang thei selangin ka duh a.

Tin, Chakai farm tih hi kha Member zahawm tak Saitual bialtu khan a rawn sawi ang khan tuua kan House Leader zahawm tak hian, helai hmuna a thut lai ngei a, vung tak leh phur taka a rawt kha a ni a. Chutah chuan House Leader-ah a thuncitu sang berah a lo tang ta a, chuvang chuan hei hi chu kan tih ngei ngei turah kanthinlungah a awma. Tin, a that pawh a tha mai thei a ni. Hei Hotel lian lian leh khawvel Hotel Sangate pawh hian Chakai sa-hi chawhmeh tui pawl leh man to pawla an ngaih a ni si a. Amaherawh chu, kha, term hmasa lamah te kan han ngaihthlak tawh ang khanin, MLA thenkhat te chuanin, Chakai farm siam kan House Leader, khatih laia opposition Leader niin a, a'n rawt hrim hrim khan, anmah-ni pawl pawh kha awm zel na tlakah an ngai lova, an chhuah san thawt ta mai kha a ni a. Helaiiah ngei hian kan ngai-thla tawh a. Tah hian, Minister-in-charge khan, kan House Leader duhdan ang tak hianin engtikah nge Chakai farm Mizoramah hian a introduce theih anga, a siam theih ang ? Chu chu, nge ni a kan C.M. kan House Leader hian a ngaihdan te kha a thlak leh ta thut zawk em ni ? tih lai kha ka'n zawt tel duh a ni.

PU ZAKHU HLYCHHO : Pu Speaker, Zawhbelhna pakhat chauh, hei kan Fisheries Department hianin, kum tin hian, luiah Sangha an chhuah thin ni awm tak a ni. Lui lian deuh deuhvah kumin ah phai chuan nuai 45, Fish seed hi major rivers-ah kan chhuah e tih hi kan C.M. Finance Minister Bubget Speech ah hian a rawn lang a. Mahse, hei kan luia Sanghate hi a pung ta tih hriat tur hi avang viau mai a. Tin, an Sangha chhuah anga hi man a ni tih an sawi pawh hi ka hre ngai mang lova. Chuvangin hei hi a tak tak a ni lovem ni ? Tin, a tak tak an chhuah te a nih chuan, engati nge kan luia Sangha te hi a pun theih loh, an chhuah a hi a te deuhva a thi thin nge ni a, Sangha dang luia lo awm sa hian a lo ei zo vek tih te pawh hi min hriih thei ang em ? tih kha ka'n zawt a ni.

PU J.LALTHANGLIANA : Pu Speaker, kha tho kha zawh ka'n duh a ni a, mahse ka zawh dan a danglam deuh hlek anga, Sangha hi chi hrang hrang a awm a, Fresh Water-a awm chi a awm a, dila awm chite a awm a. Tichuan, Luipua kan chhuah thin sangha hi, eng Sangha chi nge kan chhuah thin a, fresh water-a awm chi nge maw ni a, dila awm chi nge ni, Sangha chi hrim hrim hi kan pawng chhuah mai em ni ? tih kha ka'n zawt a ni.

PU H. LALTANPUIA : Pu Speaker, Tah Khan Sangha dil vawikhat-a sah nuk lova, thlakhat danah emaw, karkhat danah emaw duh hun hun a zu man theih dan kha siam tum a ni a ti a. Khami atan Khan eng eng technology nge ruahmanna an neih ? tih kha ka han zawt duh a ni e.

SPEAKER : Chhang turin Pu Vanlalauva Minister in-charge Fisheries i lo sawm leh ang u.

PU H. VANLALAUVA : Pu Speaker, zawhna neitu in-a MINISTER : a zawh belhna leh Member zahawm tak ten an zawhna a tlangpuiin a in ang a. He mi (a)-na Sah huk policy maini lova duh hun hun man theih tura Sangha khawina dil siam hi sorkarin pawimawh a ti a. Kan farmers hote pawh training te neih puiin seminar te ko in zirtirna nasa takin a bei mek a. Tun hma in kan lo kalphung tlang-pui-ah Kawrte kan hnawh khat a Sangha dilah kan hman deuh mai thin a, chu chuan harsatna tam tak min siam avang in, hetiang ringawt lo hian hei Aizawl khawpui chungah pawh kan han hmuh theih ma, Ar huan-ah Pa Rama Sangha dil te kan en chuan mual dungah tuikhuah siamin ram hran ami tui la lutin a enkawl a ni a. Khung te khu chu duh hun hunah lenkhangin emaw, a den chi in emaw, nghakua-in emaw man theih vek a ni a. Chutiang chi a kan Sangha dil hi kan buatsaih a hun tawhin sorkarin a hria a.

A bik takin heng Western Belt kan han tih Zawlnuam bialah te Bilkhawthlir leh Kolasib lamah te leilet phaizawlah hetiang dil siamna remchang tam tak tha tak tam tak a awm a. Hengah hian kan farmers te pawhin he sorkar duhdan anga awmze nei deuh h hlek a Sangha dil siam hi an ching tam viau ta niin a lang a, a lawmawm hle a ni. Tin, sorkar chuan Tamdil-ah te Thenzawl farm-ah te leh Zawlnuam farm-ah te pawh hetiang dil hi a siam tawh a. Chuvangin helaiiah hian depart-ment pawhin zirtirna siamin theihtawp chhuahin tan a la a nitih kha vawiin ni ah House ka hriattir duh a ni.

Tin, tunah hian mi tam takin chutiang chu practice in Kolasib bialah te leh Vairengte lamah te, Zawlnuamah te hetiang dil hi an buatsaih tam mek bawk a ni tih kha vawiin ni ah ka han inhriattir duh a ni e. Tin, Chakai khawina dil, a farm siam chungchangah kan House Leader nita, opposition leader a nih laia a sawi avanga lo chhuah pah te kan awm a nih chuan, an chhuah chhan kha a ropui vak lova, amaherawhchu, dil han siam pawh chu a ngam awm dawn em ni tih kha a ngaihtuah theih viau a ni.

Amaherawhchu, Pu Speaker, min hrilh danin i bialah North Vanlaiphei-ah khian Chakai dil siam an awm a, a tha khawp asin. Hei hi sorkarin ngaihtuah atan a tha ange tiin mi thenkhatin min hrilh a, a tak a ni em tih erawh chi ka la fiah lova. Engpawhnise, hei hi sorkarin kan chhanna ah tun maiah chuan Chakai khawina farm, dil siam tumna a nei rih lo, tih hi, 'a tum lo' tihna ni lovin, Chakai dil, farm siam tura hmalakna a la nei rih lo tihna mai a ni a. Kan rilru, ngaihtuahna ah chuan hei hi en mek a ni e, Pu Speaker, i bial lama lo siam tawh te pawh chu hriat chianna, hei hi thil tih tlak a ni ngei em tih kha, tunah hian hriat chian tumin kan en mek a ni tih kha kan sawi duh a.

Tin, Saiha bialtu zahawm tak Pu Zaku-a leh Suangpyilawn bialtu zahawm tak Pu H. Lal-tanpuia tena Luipua Sangha chi chhuah a hi engnge a awmzia, a hlawkna a awm em ni ? Tin, a tak tak a ni em, heng hi thu mai a ni lo maw han tih kha a awm ve thova. Thoma ang deuhva a naka zen kher lova lungawi lo chi hi an awm ve thin eng a ni a. Kan chhuah tak tak leh tak tak loh chu Sangha chi kan chhuahna hnai bera V/C te leh tlawmgai pawl lian ber YMA branch te zawt sela, a naka zen kher kha an lungawina a nih chuan a tha in ka ring a. Tun kum kal ta chhung khan Sangha NO nuai 45 chhuah a ni a, chung chu a bul hnai khua V/C te leh YMA te kha min hriatpui tu an ni a. Hemi chhuah dawn hian sawm vek thin an ni a.

Hengah hian tlawmgai takin a ven leh enkawl zui thlengin mawh pawh min lak sakin kan hria a, kan lawm hie a ni. Mahse, heng kan chhuah na Lui ah hian a pun phah leh phah loh erawh chu fiah na kan la nei lo a ni. Kan chhuah hma a awm sa zat kha kan lo chhiar loh avangin, kan chhuah kha a punna chy a ni mai a. A bak chu kan hre chiah lova, kan chhuah hnu a awm zat pawh kha kan hre chiah lo bawk si a. Hei hi chu ka chhang mai thei lo a ni e. Anni pawhin (Interruption) . Luia chhuah chi kan chhuah a, dila awm chi kan chhuah love, Luipua awm chi Sangha common carp te, a bik a heng hi technician ten an thlan kha chhuah an ni e tih hi kan chhanna chu a ni e.

SPEAKER : Kan Qiestion hun a tawp ta. Home Minister in statement pek min rawn dil a, kan Dan 60-na ang khan in ka rem tih sak a. Statement chu han pe sela.

PU LALHMINGHANGA : Pu Speaker, Home Minister dilna kha i reject tawh a ni si a. Tukin zing lama chanchinbu ah te a chhuak chuai chuai tawh. Hun hek a tuna phal leh si kha chu nangmah leh nangmah i chair tihzahawm lohna pawh a ni anga.

SPEAKER : Ka chair tihzahawm nan hei hi ka ti a ni. Vantlang tana thil pawimawh, nimina ka reject chhan pawh (Interruption) nimirah a pawimawh lo ka tihna a ni lova. Nimirah khan hei hi chhui lai a ni a, progress tha tak kan nei a, chuvangin chanchin lawmawm tak hriat ka beisei a, ka ti a nih kha. Hei hi in thuneihna a ni lova, Home Minister-in statement a pe a, chanchin lawmawm tak hriat mai ka beisei a, chuvangin Home Minister pawh ti lo turin ka ti hrih a ni. Zero hour hi kan Dan bu-ah hian ziak lan pakhat pawh in hmu lo, opposition in nih avangin dan lo angin min kalpui tum suh u. Dan angin ka kal dawn kan Dan 60-na kha en rawh u. Hei hi chu ka thu neihna a ni. Vawiin ah chuan chanchin lawmawm a ni a, chhui lai a progress a, ti hrih suh u ka ti mai a ni. Nangni chauh ka ti lo che u, Home Minister pawh ka ti tho. Home Minister kha Statement chu pe nghalrawh se.

PU TAWNLUIA : Pu Speaker, kan Dan 60-na ah MINISTERS : Khan 'Statement by a Minister' a ni a, Zero Hour leh Minister statement ngaihfin rual kan ni tawh lova. Zero Hour hman leh Minister statement siam hi a thumun lo a ni. Court Malkhana rawktute man an ni. April 2 2000 zana Aizawl DC complex-~~chhinga~~ Court Malkhana mi sual tu ten emaw anrawk thu kha chanchinbu thenkhatah pawh chhuah a ni a. Nimirah Assembly Session ah pawh Member ten Zero Hour-ah sawi chhuah an duh a nih kha. Mahse, misualte hi man ngei tuma kan beih lai leh beisei awm taka kan chhui mek lai a nih avangin nimirah khan statement pawh ka pe ta lova. Vawinah erawh chuan misual pahnih Aizawl Court Malkhana rawka silai 4 rubotute kha an silai ruk chhuahte nen ni zan dar 6-8:30 inkar khan an pahnihin hmun hran ve ve ah kan man ta a ni tih he House zahawm takah hian ka rawn sawi duh a ni Pu Speaker, rawk anih dan chu, Lalchhuanawma kum 39 mi, Chhuahkhama fapa Serchhip Venglai, misual tak leh case chi hrang hrang tualthah case thlenga inhnanghawih 1992-a Central Jail, Tanhril atanga tlan chhuak te zing ami kha a ni a. Vawitak Jail-a tang thin a ni. Motor ruk case-ah Court-in ni kum mai khan a convict a ni.

Thla 11 a tan hnu in April
1, 2000 khan Central Jail Tanhril atangin chhuah a ni.

A tan chin tur tlakin a chhuak a, a tuk April 2, 2000 Sunday zanah, a thianpa Tlangawiruala 36, Sazep khua sawmin zanlai dar 11 atanga dar 12 inkarah, Court Malkhana hi an rawk a ni. Tlangawiruala hi mi sual tak, NO4 hial zuar thin a ngaih a ni a, rukruk leh tualthah case-in a tang a, January 2000 khan a chhuah hnu ah Lalchhuanawma nen Jail atanga inkawp ta an ni. Chawlhni zanah Court Malkhana an rawk lai hian thli a thaw a, chuvangin thawm pawh an dim vak lo niin an sawi. Malkhana an rawk a ni tih hi a tuk Thawhtan zing dar 10:45-ah Malkhana in-charge-in a va hmu chhuak a. DC, SP, Dy. Superintendent, Progecution leh OC Police Station te, inko khawmin Malkhana register atangin ni thil bote an hre ta a. Thubuai la rel fel loh avanga Malkhana a kawl Silai S.L.R No 2, 9mm Carbine No 1 leh 303 rifle No 1, bakah zu Imfl Um 10, Heroin No 4 gram 15 te chu misual te hian an la a ni tih an hmu chhuak a. Heng bakah hian Silai mu tlem an la baw. Court Malkhana hi Treasury leh Court Building thar inkar Library Building ground floor ami a ni a. RCC kan tih ang, a bang nrick wall, kawngkharpu, inthuan grill door leh panel door, Tala lian tha tak tak pathum a kalh a ni a. Heng Tala te hi thirtiing hmangin an kar chhia a, a chhungah an lut ta a ni. DC complex hi IR Battalion section khatin an awm chilh a, duty post pahnih office pui kawt leh Treasury building pui kawt Varanda-ah siam a ni a. Treasury kawt Duty post atangin Malkhana hi metre 19 a hla a ni a. Hei aia hnaiiah hian Guard ho dining room Malkhana atanga metre 9 a hla ah a awm baw. Hemi zana duty awm reng si a, misualten Malkhana an rawk thei hi chhui mek a ni. Malkhana hnaih lam IR Battalion mite hi 3rd MAP section II- ah thlak nghal an ni a. Malkhana hnaih lam Treasury duty IR mi 5 te chu an hna atanga suspend an ni. Malkhana rawktu misual 2 te hi a chhun a zana zawn an ni a, an thil tum chhe tak mai, pawisa duh avanga Lengpui Airport-a thlawhna a zin tur kawng laka lo rawk leh Passenger Bus lo suam te an tum tih hriat chhuah a nih avangin nasa taka zawn an ni a. Vanneihthlak takin Lalchhuanawma hi nimin tlai dar 6, April 4, 2000 Thawhlejni Khan Chawlhmun atang in a Silai kawl 2 nen man a ni a. Hei hi Carbine 1 leh SLR 1 a ni. Hemi zan vek dar 8 rik hma deuh khan a thianpa Tlangawiruala chu zodin Square-ah man a ni a, a Silai thuhrukna Tuikual mawngah hruaiin zan dar 8:30 vel ah a Silai thuhruk pawh zuk lak chhuah a ni. Hei hi SLR 1 leh 303 Rifle a ni. Court Malkhana rawk thu ah hian Aizawl PS ah case No.201/2000 dt. 3.4.2000 Under section 457/380-IPC dt. 25.1 A Arms Act Registered nghal a ni. Heng misual ten thil sualdang, tualthahna hial pawh thlen thei an nih laia an silai ruk bote nen hun reilote chhunga man fai vek an ni hi a lawmawm tak meuh a. A chhun a zana thawktu kan police te an fakawm takzet a ni. Pu Speaker, ka lawm e.

PU R.TLANGHMINGTHANGA : Pu Speaker, I rorelna kha a tha
MINISTER

ka ti a. Mahse, Minister ina
statement lawmawm a pe dawn a ni
tih hriat laia nimina a lawmawm
lo lam rawn sawi chhuah chak em em phur em em, amaherawh-
chu, nangmahin thil tha tak a lo thleng dawn tia i sawi
avanga i rem tih lohna; vawiin nia thu lawmawm sawi
tur ngaihthlak hreh ang ziazanga an han chhuak ta mai
hi mipuiin thil tha lawm loh thil sual hlmpui angah
an ngai palh ang tih ka hlauhpu mai mai a. Kha kha kan
sawi chhuak a ni.

SPEAKER : Sawi chi a ni lova, helai chu.
Hei chanchin lawmawm deuh mai
kan hria a, a lawmawm khawp
maia. Nimin pawh khan Home Minis-
ter khan statement pek a duh a. Opposition ho ina Zero
Hour hman min dil hmain kan sawi dun a, progress tha
tak lawmawm tak a awm kan beisei lai a ni a tiin a ni
lam pawh ti lo mai se kan ti a. Chutiang bawkin opposi-
tion lam pawhin ti lo mai ula ka lo ti a. Anni ina an
ngaih pawh pawh an chungah lawm thu ka sawi a.
Mahsela, progress, investigation tha tak a kal lai a
nih si avangin chanchin lawmawm hriat thuai kan beisei
avanga ti kan ni a. Engpawhnise, dan hi kan zah tur a
ni a, Dan anga kan kala kan inhrethiamlo a nih chuan
a tihngaihna a awm lova. Zero Hour te hi kan danah
hian hman phalna hi speaker ina a phal miao chuanin hman
tur phe chu a ni a. Mahse, engmah ziah lan a awm velo
a ni a. Minister statement erawhchu dan anga a rawn tih
hi chuan pek thin a ni tih erawhchu kan hriat a tha a.
Hei chanchin lawmawm tak kan hria a, a lawmawm hle a ni.

Kan tih leh tur Demand sawiho
a ni a, kan tih thin angin Pu F.Malsawma leh Pu K.Thang-
zuala Demand hi vawiina kan ngaihtuah tur chu a ni, rem
kan tih tlan chuan kan la kawp leh mai anga, Pu F.Mal-
sawma Demand 4-na 12,22,30-na hi rawn submit sela a tha
kan ti mai lawm ni. A nih leh Pu F.Malsawma chu a Demand
submit turin i lo sawm ang.

PU F.MALSAWMA : Pu Speaker, Thank you, on the
MINISTER recommendation of the Governor
of Mizoram and with your permis-
sion. I move the Demand NO.4,12,
22 & 30 for Rs.1,15,36,55,000 only for meeting expensive
during two thousand & two thousand and one in respect of
the following Department. Demand No 4 administration of
justice Rs.255,30,000 Demand No 12 Parliamentary Affairs
under Secretariat Administration Department Rs.18,00,000
and Demand No.22 School Education Rs.109,60,25,000 and

...218/-

Demand No.30 Information & Publicity Rs. 303,00,000 and the total of Rs.1,15,36,55,000 only thank you.

SPEAKER : Tunah Pu Thangzuala, Minister a demand No. 47,48 been submit ve sela.

ER.K.THANGZUALLA MINISTER : Pu Speaker, on the recommendation of the Governor of Mizoram and with your permission, Sir, I moved the demand No. 47 & 48 for Rs. 22,47,10,000/- only for meeting expenses during 2000 - 2001 in respect of the following departments demand No. 47 Industries - 18,36,10,000/- and demand No. 48 sericulture - 3,91,00,000/- TOTAL = 22,47,10,000/- only thank you.

SPEAKER : Awle, tunah chuan kan sawiho anga, pakhat tan minute 10 zel kan tih dan pangngalin kan in pe leh dawn nia.

PU C.SANGZUALA : Pu Speaker, tam sawi ngaiah pawh ka ngai lova, han pass mai theih pawh anih hmel a. A hmasa in demand pahnih chauh tawi te te ka sawianga, a hmasa-a kan sawi duh erawh chu demand 4-na phek 33-na hi khawngaih in han keu ta ila, he demand phek 13-a lo awm lakh 345,30 leh a tlangkawmna phek 33-na ami kha Bu then thenah a in ang lo a ni awm mange aw ka ti a, helaiah kan han entawn a, 345,30 ni vel tur awm tak kha 367,30 a ni tlat a, a mak ka ti viaw a, dik lo vek se chu thu hran. Mahse a dik lo vek tlat lova, chu chu i tih chian atan kan tan hmasa duh a.

Pu Speaker, Demand No.22-na kha, a sawi awm ber pawh niin ka in ngai hauh lova, hei kan zingah kan mithiam vawrtawp te, kan college zirna sang bera zirtirtute an awm thiau thuau a. Chutichung chung chuan Education hi kan vai tuipui a ni a, tuipui ve zawng anih avanga han sawi duh ka nei a.

School Education kha han sawi ve ta ila. A demand hi a pumpuih a lian pawl ber zingami a ni a, phu pawh a phuik ka hria. Keini ho kan lo sorkar hnu-ah te thil thar kan hmuh lawmawm tak tak sawi duh kan nei a. Chu chu kan sawi den den anga. A hmasa

berah chuan kan sawi fo tawh Literacy, ziaik leh chhiar thiam thu ah he Department hnathawh hi a ropui em em mai a. 100-ah 95 ziaik leh chhiar min thiam tir ta a. Hetia 95% ah min han hlang chho hi India ram pumpui ah pakhatna-ah min hlang chho a ni a. Hei hi achievement ropui tak a ni a, sawi rik loh rualah ka ngai lova.

Tin, han sawi zel takah chuan pakhatna nihna te pawh an lo nei a. Education Development Index an ti a ni aawm a, chu pawh chu Education kalphung dan ah State Wise pawh a nih hmel a. Chutah pawh chuan pakhatna kan lo ni reng mai a, pakhatna thiang rual maiah min lo dah a. Tin, hei thil thar tak a hun lai chuan kan han phun deuh nak nak a, amah-erawhchu, hnampum luan ruala luan ve theihna School Calender thu ah National pattern min han zui pui a, hengte hi kan thatpui a rinawm a. Hetiang min han tih pui ngam pawh hi kan zirna lamah hian hnam anga kan tel ve na, kan thatpui ngei pawh ring ta ila.

Tin, Hindi Education hi tih makmawh a ni a, hemi hi kumin ah nasa taka hmasawna kan hmu a, hei pawh hi thil lawmawm tak a ni. Tin, zirtirtu training-na lamah Elementary lamah phei chuan trained zawh a ni hial ta a, engemaw lak tharzeuh zeuh t te tih loh chu. Chung kawngah chuan hmasawna a lo nasa khawp mai a, hengah hian lawmthu kan sawi duh a ni.

Ka phak tawkin a hlawm hrang hrang kha ka'n en den den a. Adult Education-ah khan nikum original budget ai Khan a tlahniam niin ka hria a. Andang elementary te, secondary te, language development-ah te Khan a pung chho vekin ka hmu a. Hengte te atanga han thil leh kan education pawimawhna te han ngaihtuah hian Education hi a pawimawh ber tia han sawi mai pawh hi thil chakawm tak a ni a. Sakhua-na leh Education, Human Resource development hi chu mihring buatsaihtu tak tak an nih avang hian a pawimawh em mai a. A pawimawh ber han ti ila, chaw lamin kan pawimawh zawk te an lo ti thei anga, pawimawh ber ziaik tlar zing ami chu a ni hrim hrimin ka hria a.

Chutiang hna pawimawh han thawk chho tur chuan a pung e kan han tih, elementary te, secondary te, language development te, a generalte heng han en den den hian duhthu chu a sam pha lo ang reng viau thung a. Heng hi engtin nge kan tih ang le ? Adult Education ngawt pawh hi 95% lo thleng tawh pawh ni ila, 5% kan la bak a, 100-ah 5 han thiam tir leh tur chuan hna fe a ni ang a. Tin, khang ziaik leh chhiar thiam tir tak puitling te kha hmang zui thin tura zirtir an la duh ngei dawn tih a hriat a, a la tul ngei bawk siaa; a han tlahniam a pawh hi a pangngai ang tala dah leh chu a tha mange, tih rilru-ah aawm a.

Department pawimawh lo zawk thil dang te hi hai tir rih a fuh mai thei a ni. Centre lam atanga fund hmuh hi a harsa viau a nih chuan Department dangte pawh hai tira Education han bel belh te kha rilru-ah a awm a, a pawimawh em e, tih kan sawina ah ngai ta ila.

Chumi rual chuan tun hi kan tan hun remchang niin ka hria a, sikul sak ngai te kha office lamah te kan han thlen thluah thluah thin a. High School deficit a dah beisei te, dah em loh pawhin regular taka grant-in-Aid pek ve tur, vawikhat grant mai nilo kan nei nawk mai. Entirnan, ka biala Venghnuai ah te pawh High School senior tak, tanpui ngai tak kan nei a, kan hotuten a tawt a tawt talh lo hian azep luh dan hi min ngaihtuah sak se ka duh a.

Pu Speaker, tawite, a dang tlem te chauh, Demand 30-na Information & Publicity hi Budget han enim nikum lamah pawh kumin lam pawh a ria hle in ka hria a. Chutichuan an hnathawh ka han hmuh ve theih chinah heng media mite hi an taima viau in ka hria a, amaherawhchu, Department pawimawh tak si kan hriat tak vak loh a ni awm mange aw! ka ti a, sorkar hnathawh zawng zawng puang chhuaktu hna kan thawk a ni tih puang tute an ni a. Puanna hmanrua leh an puan danah te hlawk zawka hna an thawh theihna tur hi ngaihtuah a ngai mange! Engtin emaw taka thei hi RE lamah te han zuan tir thei tura siam a ngai mange aw! tih ka rilruah a awm ve tlat a, chuan pahnih chu tawk mai rawh se, Pu Speaker ka sawm e.

SPEAKER : Sawi tur dang kan la awm em ?
Sawi tur dang in awm loh chuan
Wind-up tur a ni mai a, anih leh
Pu F.Malsawma, a Demand te wind-
up turin i lo sawm ang.

PU F.MALSAWMA : Pu Speaker, tuna kan Member
MINISTER zahawm takin a rawn sawi ang
khan lawmna tur kan nei a,
chutuhrial chuan kan indaih loh
zia, tangka lamah kan hria a. Amaherawhchu, kan Chief
Minister, kan House Leader ni bawkin thahnem ngaih puia
kan member te hriat atan tun ni 31-ah te khan ti chawp
chuk chukin, heng Information ah te, Education-ah te
Department lam atanga mi an reject tawh vehicle thar
engemawzat lei te min han phal sak a, Chu chu House-ah
hian kan member zahawmtak tak te hriata sawi loh theih
loh niin ka hria a.

Tin, kan zirtirtute thahnem ngaihna leh Department-a hnathawktu te zawng zawng thahnemngaihna hi vawiinniah lawm thu ka han sawi a ni. Tichuan, Pu Speaker, ka demand No. 4- Administration of Justice .255,30,000.00 leh Demand No. 12-na Secretariat Administration Department (Parliamentary Affairs) hnuaiah Rs.18,00,000.00, School Education Demand No,22-na Rs.109,60,25,000.00, Demand No.30-na Information and Publicity Rs.303,00,000.00, A vaiin Rs.1,15,36,55,000.00 hi House-in min pawmpui turin ka rawn ngen e.

SPEAKER : Pu F.Malsawma'n a Demand te pass turin a rawn dil tawh a. A Demand No.4-na 12,22, 30, Rs. Vaibelchhe 1,15,36,55,000 hi pass remti apiang in 'Remti' ti ula, remti lo apingain 'Remti lo' ti ula.

He House hian Pu F.Malsawma Demand Vaibelchhe 1,15,36,55,000 chu lungual takin a pass a ni.

Tunah Pu K.Thangzuala a Demand Wind-up turin i sawm ang.

ER.K.THANGZUALLA MINISTER : Pu Speaker, ka lawm e. Hei vawiin hi kan vannei nge kan vanduai ka hre lova. Hma deuh maiin kan Budget te kan tling-tla mai dawn niin a lang a. Amaherawhchu, thil pahnih khat chauh han din takah chuan thil thar deuh, tunhnai a Industry lampang a thil thleng sawi ka duh a. Hei tunlai khawvel intlansiakna information technology tih leh electronics lampang intlansiakna hi a nasa em em a. India ramah te pawh a nasa a, anutih laini keini Mizoram State hi engngemaw chenah kan lo la hnufual viau a. Hman deuh lawka Delhi ah Seminar-a kan zuk kal atangin keini pawh harh tharna engemaw thahnemngaihna nasa tak te kan zuk chhar chhuak a, kan hotute nen. Tichuanin, Minister concerned te pawh hmu in Pu Sanghmingthanga MLA zahawm tak te nen, chutah chuanin Mizoram hian, 'Centre for electronic designs & technologies of India', hi full-fledged centre min hawn sak ve teh u tiin kan ngen a. An lo ngai pawimawh viau a, ni 24 March Khan Committee te nei nghalin min rawn phalsak ta a. Hei hian a tum chu Deploma in Electroni, Engineering kum 3 course te, Information technology Based Industries course te, PC Hardware maintenance course te, DOEACC 'O' level leh A level course tih te a rawn hring chhuak a ni. Tin, he thil hi a lo than zel chuan BE electronics leh MSC electronic te zir zel hnehina tur niin a lang a ani.

Tin, pawisa involve hi crore 2 leh 0.5 a ni. Tah hian central share leh state share a awm ve nual a ni. Tichuan, nuai 30 March 22 khanin an rawn pe nghal a ni. Hei hi kan rama thil thar deuh hlek vawiiin-a Member tena kan hriat atana ka duh kan sawi lang a ni.

Tin, C.M.in nasa takin local raw-material hmanga Indistry hawna kawng awmin hriain hma nasa takin a la a ni. 'International Network for Bamboo & Rattan' hei hi hrui hngang lampang thil a ni a, chungte nen chuanin Mizorama hma rawn la turin MOU signed a ni. Tun thla ni 26 hian mi 7 expert an lo kal dawn a ni. Tahchuan mi pasarih lai an lo kal dawn a, hengte hi tun hnai thil deuh hlek kan hriat atan, kan hriat sa mah nisela. Hetianga thil thar hma rawn lakna rawn hlawhling chho, rei lote kan chan ve chhunga a rawn thleng hi lawmawm ka ti a, lawmthu hrilh pahin Member te hriat atan kan sawi duh a.

Tin, a hnukung berah chuan hei Sericulture lamah pawh hmatar kan dap mek a, Japan mi thiamte lo kalin kan C.M. zahawm takte nen sawihona te neiin tunah hianin an haw leh ta a. Chungah pawh chuanin Mizoram hi a leilung leh sik leh sa leh mipui hawiher te an hmuhin potential nasa tak hmuhin an in hria a, phur takin an haw ta a, chu chu reiloteah report te an rawn siamin ka ring a. Hemi hi thil thar deuh hlek a ni ang hianin chu chu Member te hriatah kan sawi duh a ni.

Tichuanin, hemi ka demand No.47 Industries crores 18 leh 56 lakhs leh 10 thousand leh Demand No. 48 Sericulture 3 crore 91 lakhs a total 22 crores 47 lakhs and 10 thousand hi he House zahawm tak hianin min pass sak turin ka rawn dil a ni. Ka lawm e.

SPEAKER : Awle, Pu K.Thangzuala Industry Leh Sericulture Minister-in a Demand te a rawn sawi fiah, pass a rawn dil a. Pass remti apiang-in a demand cheng Vaibelchhe 22 nuaih 47 singkhat hi, pass remti apiangin 'Remti' tirawh u le, pass remti lo apiangin 'Remti lo' tirawh u. Pu K.Thangzuala demand cheng Vaibelchhe 22 nuaih 47 singkhat chu he House hian lungrual takin a pass a ni.

Vawiiin kan Business chu kan zo ta a. Naktuk ni 6 thla 4, ningani zing dar 10:30-ah kan thu khawm leh ang.

Meeting adjourned. 12:10 PM